



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

6 Vicarii temporales, qui. Vicarii foranei, quam potestatem habeant.

urn:nbn:de:hbz:466:1-10316

24, n. 1, de preb. in nov. & Concilii Trid. c. 7, reformat. seß. 7. quibus fructuum portio non major centum, nec minor quinquaginta scutorum annis singulis, ab Ordinariis locorum est assignanda, nisi auctoritate Apostolica in electione aliter fuerit assignata, ut statuit Pius V. in Bull. constitutio 46, quæ incipit, Ad exequendum.

Beneficia autem Vicarias hujusmodi habentes, dicuntur nihilominus curata saltem habitu, Rota decis. 2, de offic. Vic. in antiquis, & Fastol. dub. 25, num. 2. Felin. in cap. p. stulisti, num. 1, de rescripto.

Temporales sunt, † qui Apostolica auctoritate in temporalibus ad regimen Terrarum status ecclesiastici deputantur, Ab. in dict. §. qui verd. num. 9. Rom. conf. 59, num. 2, in fin. & num. 3, & Felin. in d. cap. pastoralis, num. 11, de rescripto. & etiam qui ad regimen Cathedralium in spiritualibus, & temporalibus ob malam Episcoporum administrationem mittuntur, qui Vicarii Apostolici nominantur.

Vicarii etiam alii dicuntur, qui ab Episcopis cum congrua fructuum portione Rectoribus parochialium ex legitima causa absentibus, suspensis, impeditis, aut inhabilibus deputantur, cap. pervenit, de appellat. & cap. cum ex eo, de elect. in 6. Concil. Trid. c. 2, seß. 6, cap. 5, seß. 7, & c. 6, ubique de reformat. seß. 21. qui etiam parochiali ecclesia vacante, donec eidē de idoneo rectore fuerit provisum, constituuntur, idem Concil. c. 15, de reformat. seß. 24.

Foranei Vicarii nuncupantur, qui ad eisdem partem diocesis sunt deputati, c. 1, in principi: & ibi gloss. in verb: foranei, de offic. ord: in 6. & Clement: 2, in fin: ubi etiam gloss. de rescripto: à quibus appellatur ad Episcopum constituentem, quia non fa-

ciunt unum, & idem consistorium cum Episcopo, ut faciunt Vicarii generales, gloss. in dict: c. 1, in ver: foranei, de offic: ord: in 6. non habent cognitionem causarum hereticæ pravitatis, matrimonialium, nec criminalium, quæ Episcoporum examini sunt reservatae, Conc. Trid. cap. 20. §, ad hæc, de reform. seß. 24. minusque litteras monitoriales, pro occultis, depositis, aut subtractis concedere possunt, sed Episcopi solum, c. 3, de reform. seß. 25, aut Vicarii generales cum sufficienti facultate, qui in aliis casibus censuras possunt etiam promulgare, cap. 1, & cap. licet, junct. gloss. de offic. Vic. in 6. Nec illis committitur executio litterarum Apostolicarum, Rebuff. in pr. ix. benef. de Vic. Episc. num. 4, par. 1.

Vicarii etiam generales vocantur à Capitulo sede Episcopali vacante deputati, quia † mortuo Episcopo, capitulum in spirituali, & temporali jurisdictione succedit, cap. si Episcopus, cap. final. de suppli. neglig. Pralat. cap. unico, de majorit. & obedient. in 6. & Graff. decis. aur. c. 1 §. par. 1. lib. 4, num. mihi 77. & licet de jure comuni non teneatur capitulum constituere Vicarium sede vacante, sed per se posset jurisdictionem exercere Feli. in cap. cum olim, de majorit. & obedient. num. 4. tamen hodie ex dispositione sacri Concilii Tridentini intra octo dies constituere tenetur, vel constitutum confirmare, alias deputatio illius devolvitur ad Metropolitanum, & si sedes Metropolitanana vacet, ad Suffraganeum antiquorem, vel si Episcopatus sit exemptus, ad Ordinarium vicinorem, cap. 8. par. 16, de reform. seß. 24.

Regulariter † Vicarius à capitulo sede Episcopali vacante deputatus, eamdem habet